

INUIT ATAQATIGIIT

INATSISARTUNI



UPA17/123

18.april 2017

Mimi Karlsen

Uunga siunnersuut: Oqaasiliortut pillugit Inatsisartut inatsisaat nr. xx, xx.xxx2017-imeersoq.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Inuit Ataqatigiit Naalakkersuisut isumaqatigaat oqarmata Kalaallisut oqaatsivut inuiaqatigiinni qitiusumik kulturimut tunngavittut inissisimasut, taamaammallu qutsavigiumavagut oqaatsitta qanoq ataavartinnissaat, siuarsarnissaat patajaallisarnissaallu pillugit sinaakkusiinissamut suliaqarsimammata.

Oqaatsivut, allatulli oqaatsitut ineriertortuartuupput allanngoriartortuaannarsinnaallutilu. Siulitta nunamit immamillu inuussuteqarnermikkut oqaatsivut ineriertortittuarsimavaat. Maannali oqaatsivut naleqqussartuartariaqartarpagut, atortunik nunanit allaniit eqqussuiuarnergut oqaatsitsinnik naleqqussaasariaqartarratta. Oqaatsit nutaat piginngisagut atulertarpagut pisuunnguutaasumik. Oqaatsittali ineriarrtortuarnissaat piumallugu aamma nakkutilliillatalu malinnaasariaqarpugut.

Naalakkersuisullu suliaminni taavaat pingaarutilittut nutaartaasoq Oqaasiliortut kalaallisut oqaatsit nutaat, oqaatsit ilusaat oqariaatsillu akuerisarunnaassamatigit kisiannili Oqaasiliortut kalaallit oqaasiisa inerikkiartornerannik malinnaanissaannut saatinneqarnissaasa qularnaarniassallugu.

Oqaatsit pisuni assigiinngitsuni atorneqartarnerminni ineriertornerat nammineq ingerlasarpoq, ilaatigullu oqaasersiat akuerineqanngikkaluartut atorneqalertarlutik. Tamanna maannakkut oqaasilerisunit malinnaavagineqalissa iluarivarput.

Oqaasiliortut oqaatsit allamiut oqaasiinut ilaasut kalaallisut taaguusersortassagaat Kalaallit oqaasi patajaallisarumallugit tassanilu pingartinneqarpoq taarsiullugu oqaasiliat pilersinneqarnissaasa qularnaarnissaat suliarineqartoq.

Oqaasileriffiup suliassarai kalaallit oqaatsitta Inuillu allat oqaasiisa ilisimatusarfigineqarnerat uppernarsaasersugaanerallu oqaatsittalu allamiut oqaasiitut atugaanerannik misissuineq.

Tamanna pisussaaffiliivoq Oqaatsitsinnut tunngasunik sinaakkusersuiuarnissamik. Sinaakkusersuiuartariaqarpugut oqaatsitta atorneqarnermikkut ineriartortuarnissaat, ataqqineqarlutillu pinissaat angujumallugu. Naggueqatitsinnut aamma maligassiuinissarput pingaartutut isigaarput. Uagummi inuusuttatta meerartattalu oqaatsitsinnik atuisinnaanerat qulakkiigarput naggueqatitsinnut malillaqunaqaaq.

Inatsisisami siunertarineqartoq Inuit Ataqatigiit taperserumavaat tassami allaqqammat Oqaatsit suliamut tunngasut akuersissutiginerat pisassasoq, suliamik ilisimasallit suleqatigiit toqqarneqartassammata. Pingauteqarluinnarpoq oqaatsitta ilinniarluarsimasunik ilisimasaqarluartunilluunniit sullinneqarnissaat. Taanna pitsaassusermik qularnaarinnissaammat akuersissutigivarput.

Allattaatsimi tunngavait pingarnerit aallaaviusussat aalajangerneqarneri pingaartutut isigivarput. Pingaartipparput oqqatsitsinnik allannermi pingaarutilimmik pisortatigoortumik aallaaveqarnissaq. Ullutsinni attaveqariaatsini qarasaasiakkortuni malunnartarmat sumiorpaluutsit atorlugit allattarneq. Tamanna paasinaraaluartoq pisariaqarpoq pisortatigoortumik allattaaseqarnerup nukittorsartuarnissaa.

Taama oqaaseqarluta oqaatsitsinnik ineriartuutaasussamik siunnersuuteqarneq akuersaarparput.